



A. Izetbegovića 60-2. 75246 Čelić Tel: 035/668 650 e-mail: info@opcinacelic.ba
Broj: 02-45-2932/23
Čelić, 20.11.2023. godine

Na osnovu člana 70. stav (1), (3) i (6), člana 25. Zakona o javnim nabavkama Bosne i Hercegovine („Službeni glasnik BiH“ broj: 39/14 i 59/22) (u daljem tekstu: Zakon) i člana 39. Statuta Općine Čelić („Službeni glasnik Općine Čelić“ broj: 3/17) (u daljem tekstu: Statut), na Preporuku Komisije za nabavku broj: 05-45-2932/23 od 17.11.2023.godine, u postupku javne nabavke radova “Uređenje Humačkog potoka, l=150 m – faza I”, Općinski načelnik donosi:

ODLUKU *o izboru najpovoljnijeg ponuđača*

Član 1.

Prihvata se preporuka Komisije za nabavku broj: 05-45-2932/23 od 17.11.2023.godine i Ugovor o izvođenju radova “Uređenje Humačkog potoka, l=150 m – faza I” dodjeljuje se grupi ponuđača: „Arapovac putevi“ d.o.o. Ratkovići i „DEJOKOP“ d.o.o. Bok-Orašje, ponuda broj: 1-37/23 zaprimljena na protokol ugovornog organa dana 24.10.2023.godine, po ponuđenoj cijeni u iznosu od 220.000,00 KM bez PDV-a.

Član 2.

Prijedlog ugovora o nabavci dostavit će se na potpis izabranom ponuđaču iz člana 1. ove Odluke po isteku roka od 15 (petnaest) dana, računajući od dana od kada su svi ponuđači koji su učestvovali u predmetnom postupku nabavke obaviješteni o izboru najpovoljnije ponude.

Član 3.

Ova Odluka stupa na snagu danom donošenja i objavit će se na web stranici Općine Čelić, u skladu sa članom 70. stav (6) Zakona, istovremeno sa upućivanjem iste ponuđačima koji su učestvovali u predmetnom postupku javne nabavke.

O b r a z l o Ź e n j e

Postupak javne nabavke pokrenut je Odlukom o pokretanju postupka javne nabavke broj: 02-45-2932/23 od 02.10.2023.godine. Javna nabavka radova “Uređenje Humačkog potoka, l=150 m – faza I” provedena je putem otvorenog postupka. Procijenjena vrijednost javne nabavke iznosila je 222.000,00 KM bez PDV-a. Obavještenje o nabavci broj: 306-1-3-90-3-31/23 objavljeno je na Portalu javnih nabavki dana 03.10.2023.godine.

Komisija za nabavke imenovana Rješenjem broj: 02-45-2932/23 od 02.10.2023.godine, nakon provedenog postupka otvaranja ponuda u skladu sa članom 63. Zakona, dostavila je ugovornom organu – općinskom načelniku Zapisnik o pregledu i ocjeni ponuda broj: 05-45-2932/23 od 24.10.2023.godine, Preporuku o izboru najpovoljnijeg ponuđača broj: 05-45-2932/23 od 17.11.2023.godine i Izvještaj o radu komisije broj: 05-45-2932/23 od 17.11.2023.godine.

U postupku po Izvještaju o radu utvrđeno je da je Komisija za javne nabavke blagovremeno izvršila otvaranje, pregled i ocjenu pristiglih ponuda, o čemu je sačinila odgovarajuće zapisnike, u kojima je utvrđeno sljedeće:

- da su u predmetnom postupku javne nabavke pristigle ukupno tri ponude i to: d.o.o. „Papilon“ Koraj-Čelić, grupa ponuđača: „MI-TRADE“ d.o.o. Vražići i „DEN ALM“ d.o.o. Lukavac i grupa ponuđača: „Arapovac putevi“ d.o.o. Ratkovići i „DEJOKOP“ d.o.o. Bok-Orašje,
- da su blagovremeno primljene tri ponude,
- da nije bilo neblagovremeno primljenih ponuda,
- da su ponude ponuđača d.o.o. „Papilon“ Koraj-Čelić i grupe ponuđača: „MI-TRADE“ d.o.o. Vražići i „DEN ALM“ d.o.o. Lukavac nepravilne te su odbačene,
- da ponuda grupe ponuđača: „Arapovac putevi“ d.o.o. Ratkovići i „DEJOKOP“ d.o.o. Bok-Orašje ispunjava kvalifikacione uslove predviđene Tenderskom dokumentacijom, te je ocijenjena kao prihvatljiva.

Pregledom i ocjenom ponuda nisu uočene računске greške kod ponuđača.

Pregledom i ocjenom ponuda utvrđeno je da je ponuda ponuđača d.o.o. „Papilon“ Koraj-Čelić nepravilna. Članom 3. stav (1) Pravilnika o uslovima i načinu korištenja e-aukcije („Službeni glasnik BiH“ broj 66/16) (u daljem tekstu: Pravilnik) je propisano da prije zakazivanja e-aukcije ugovorni organ u sistem e-Nabavke unosi sve prihvatljive ponude. Nadalje, član 2. stav (1) tačka 1) Zakona propisuje: „Ponuda je dokument koji podnosi ponuđač, pri čemu nudi isporuku robe, pružanje usluge ili izvođenje radova, pod uslovima koje određuje ugovorni organ u tenderskoj dokumentaciji.“ Nepravilna ponuda je ona ponuda koja nije u skladu sa tenderskom dokumentacijom ili je primljena van roka za dostavljanje ponuda ili postoje dokazi o tajnom sporazumu ili korupciji ili nije rezultat tržišne konkurencije ili je ugovorni organ utvrdio da je cijena ponude izuzetno niska. Članom 57. stav (1) Zakona propisano je da se u postupku javne nabavke kandidat/ponuđač pridržava zahtjeva i uslova iz tenderske dokumentacije. Ponuđač je u svojoj ponudi na stranici 55. u predmjeru u dijelu II Zemljani radovi stavka 2. u dijelu opisa „U cijenu ulazi iskop sa poprečnim transportom do 100 m i odvozom do 2.0 km sa planiranjem dna i kosina korita. Uzeto 90 % mašinski, a 10% ručni iskop“ popunio stavku za količinu koja čini ukupni dio od dalje navedenog i objašnjenog dijela stavke da od ukupne količine 90% čini mašinski, a 10% ručni iskop, popunjavajući navedenu kolonu simboličnom cijenom, koja kada se izračuna cijena u ponuđenim donjim stavkama je u svakom slučaju znatno niža kao ukupna cijena dole navedenih količina, te na taj način ponudio i više nego traženo tenderskom dokumentacijom. Na isti način ponuđač je postupio i u stavci 3. Predmjera u dijelu „Iskop zemlje III kat.za produbljenje za fiksacione pragove. Obračun po m3 iskopanog materijala - od toga 90% mašinski 13.5 - od toga 10 % ručno 1.5.“

Imajući u vidu naprijed navedeno, Komisija je jednoglasno odlučila da je ponuda ponuđača d.o.o. „Papilon“ Koraj-Čelić nepravilna i uvažavajući odredbe člana 2. stav (1) tačka 1) podtačka (3) se odbacuje.

Pregledom i ocjenom ponuda utvrđeno je da je ponuda grupe ponuđača: „MI-TRADE“ d.o.o. Vražići i „DEN ALM“ d.o.o. Lukavac nepravilna. Članom 3. stav (1) Pravilnika je propisano da prije zakazivanja e-aukcije ugovorni organ u sistem e-Nabavke unosi sve prihvatljive ponude. Nadalje, član 2. stav (1) tačka 1) Zakona propisuje: „Ponuda je dokument koji podnosi ponuđač, pri čemu nudi isporuku robe, pružanje usluge ili izvođenje radova, pod uslovima koje određuje ugovorni organ u tenderskoj dokumentaciji.“ Nepravilna ponuda je ona ponuda koja nije u skladu sa tenderskom dokumentacijom ili je primljena van

roka za dostavljanje ponuda ili postoje dokazi o tajnom sporazumu ili korupciji ili nije rezultat tržišne konkurencije ili je ugovorni organ utvrdio da je cijena ponude izuzetno niska. Članom 57. stav (1) Zakona propisano je da se u postupku javne nabavke kandidat/ponuđač pridržava zahtjeva i uslova iz tenderske dokumentacije. Ponuđač je u svojoj ponudi na stranici 51. u predmjeru u dijelu II Zemljani radovi stavka 2. u dijelu opisa „U cijenu ulazi iskop sa poprečnim transportom do 100 m i odvozom do 2.0 km sa planiranjem dna i kosina korita. Uzeto 90 % mašinski, a 10% ručni iskop“ popunio stavku za količinu koja čini ukupni dio od dalje navedenog i objašnjenog dijela stavke da od ukupne količine 90% čini mašinski, a 10% ručni iskop, popunjavajući navedenu kolonu simboličnom cijenom, koja kada se izračuna cijena u ponuđenim donjim stavkama je u svakom slučaju znatno niža kao ukupna cijena dole navedenih količina, te na taj način ponudio i više nego traženo tenderskom dokumentacijom. Na isti način ponuđač je postupio i u stavci 3. Predmjera u dijelu „Iskop zemlje III kat.za produbljenje za fiksacione pragove. Obračun po m3 iskopanog materijala - od toga 90% mašinski 13.5 - od toga 10 % rucno 1.5.“

Imajući u vidu naprijed navedeno, Komisija je jednoglasno odlučila da je ponuda grupe ponuđača: „MI-TRADE“ d.o.o. Vražići i „DEN ALM“ d.o.o. Lukavac nepravilna i uvažavajući odredbe člana 2. stav (1) tačka 1) podtačka (3) Zakona se odbacuje.

Pregledom i ocjenom ponuda utvrđeno je da ponuda grupe ponuđača: „Arapovac putevi“ d.o.o. Ratkovići i „DEJOKOP“ d.o.o. Bok-Orašje ispunjava kvalifikacione uslove predviđene Tenderskom dokumentacijom, te je ocijenjena kao prihvatljiva. Navedeni ponuđač dostavio je sve tražene dokaze zahtijevane Tenderskom dokumentacijom, na propisan način.

Tenderskom dokumentacijom za predmetnu nabavku predviđeno je provođenje e-aukcije. Članom 3. stav (3) Pravilnika predviđeno je da u slučaju prijema jedne prihvatljive ponude e-aukcija se neće zakazivati, nego će se postupak okončati u skladu sa članom 69. Zakona.

Komisija je nakon ocjene ponuda dana 17.11.2023.godine dala preporuku ugovornom organu da ugovor o izvođenju radova zaključi sa grupom ponuđača: „Arapovac putevi“ d.o.o. Ratkovići i „DEJOKOP“ d.o.o. Bok-Orašje sa ponuđenom cijenom od 220.000,00 KM bez PDV-a.

U postupku donošenja ove Odluke, posebno su cijenjene činjenice da je Komisija izvršila ocjenu kvalifikovanosti ponuđača, te pregled i ocjenu ponuda, u skladu sa kriterijumima iz Tenderske dokumentacije.

U postupku ocjene provedenog postupka, nisu nađene nepravilnosti niti propusti u radu, koji bi eventualno bili osnov za neprihvatanje preporuke Komisije za javne nabavke.

Naime, u postupku je ocijenjeno da je Komisija u svemu pravilno postupila, da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima i Tenderskom dokumentacijom.


Iz navedenih razloga, primjenom člana 64. stav (1). tačka b) Zakona, člana 8. stav (2) tačka (d) Pravilnika o uspostavljanju i radu Komisije za nabavke („Službeni glasnik BiH“, broj: 103/14) i člana 39. Statuta, odlučeno je kao u članu 1. ove Odluke.

Uputstvo o pravnom lijeku

Protiv ove Odluke može se izjaviti žalba Uredu za razmatranje žalbi BiH, putem ugovornog organa, u roku od 10 (deset) dana od dana prijema ove Odluke. Žalba se podnosi u pisanoj formi i u dovoljnom broju primjeraka, koji ne može biti manji od tri (3).

OPĆINSKI NAČELNIK


Admir Hrustanović, dipl. oec



Dostavljeno:

1. Ponuđačima (3x)
2. Komisiji za nabavke
3. Službi za urbanizam, stambeno komunalne, imovinsko pravne i geodetske poslove
4. Za općinsku web stranicu
5. Evidenciji
6. Arhivi